


Sebija Izetbegović
Zastupnica u Skupštini Kantona Sarajevo



Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Predsjedavajućeg Skupštine Kantona Sarajevo

Uputiti: Ministarstvu za boračka pitanja Kantona Sarajevo, JU Memorijalni centar Sarajevo, Uredu za borbu protiv korupcije i upravljanje kvalitetom Kantona Sarajevo, Kantonalnoj upravi za inspeksijske poslove Kantona Sarajevo i KJKP RAD d.o.o. Sarajevo

PREDMET: Organizacija manifestacije „Staza sjećanja“, utrošak javnih sredstava i postupanje sa doniranom obučom nakon završetka manifestacije

Poštovani,

Cijeneći značaj očuvanja kulture sjećanja na žrtve agresije na Bosnu i Hercegovinu, ali i obavezu transparentnog trošenja javnih sredstava, kao i potrebu zaštite dostojanstva svih učesnika i donatora koji su učestvovali u realizaciji manifestacije „Staza sjećanja“, u skladu sa Poslovníkom Skupštine Kantona Sarajevo upućujem sljedeća zastupnička pitanja:

I. ORGANIZACIJA MANIFESTACIJE „STAZA SJEĆANJA“

1. Ko je bio formalni organizator manifestacije „Staza sjećanja“?
2. Koje institucije, ustanove, javna preduzeća, udruženja građana i druga pravna lica su učestvovala u organizaciji i realizaciji predmetne manifestacije?
3. Ko je donio odluku o organizaciji i realizaciji manifestacije i na osnovu kojeg akta?
4. Molim da se dostavi kompletna dokumentacija koja se odnosi na organizaciju manifestacije, uključujući sporazume, ugovore, odluke, zaključke i druge relevantne akte.

II. FINANSIRANJE I UTROŠAK SREDSTAVA

1. Koliki je ukupan iznos budžetskih i drugih javnih sredstava izdvojen za organizaciju i realizaciju manifestacije „Staza sjećanja“?
2. Iz kojih budžetskih stavki i izvora finansiranja su obezbijedena sredstva?
3. Kojim privrednim društvima, ustanovama, udruženjima ili drugim pravnim licima su dodijeljena sredstva za potrebe organizacije manifestacije?
4. Koliki je iznos sredstava dodijeljen svakom pojedinačnom korisniku?
5. Na osnovu kojih kriterija je izvršen izbor korisnika sredstava?
6. Da li su za potrebe realizacije projekta provedeni postupci javnih nabavki i molim da se dostavi pregled zaključenih ugovora?
7. Na koji način su korisnici sredstava pravdali utrošak dodijeljenog novca?
8. Da li su dostavljeni finansijski i narativni izvještaji o realizaciji aktivnosti i utrošku sredstava te ko je izvršio njihovu kontrolu i verifikaciju?

III. POSTUPANJE SA DONIRANOM OBUĆOM NAKON ZAVRŠETKA MANIFESTACIJE

1. Šta se nakon završetka manifestacije desilo sa postavkom koja je bila sastavljena od donirane obuće građana?
2. Kolika je ukupna količina donirane obuće prikupljena i korištena za potrebe manifestacije?

3. Da li je izvršen popis donirane obuće nakon završetka događaja?
4. Gdje je postavka bila pohranjena nakon završetka manifestacije?
5. Da li je donirana obuća sačuvana, arhivirana, ustupljena drugim institucijama ili na drugi način zbrinuta?
6. Ko je bio nadležan za donošenje odluke o daljnjem postupanju sa doniranom obućom nakon završetka manifestacije?

IV. NAVODI O UNIŠTENJU DONIRANE OBUĆE

1. Da li su tačni navodi da je dio donirane obuće nakon završetka manifestacije uništen ili odvezen na deponiju?
2. Da li je KJKP RAD učestvovao u uklanjanju, odvozu ili uništavanju dijela postavke odnosno donirane obuće?
3. Ukoliko jeste, po čijem nalogu je izvršeno uklanjanje ili uništavanje donirane obuće?
4. Da li je JU Memorijalni centar Sarajevo dala saglasnost za uklanjanje ili uništavanje dijela postavke?
5. Molim da se dostavi kopija svih odluka, saglasnosti, zapisnika ili drugih akata koji su bili osnov za eventualno uklanjanje ili uništavanje donirane obuće.
6. Ko je donio konačnu odluku da se dio donirane postavke uništi?
7. Na osnovu kojih kriterija je donesena odluka o uništavanju donirane obuće?
8. Da li su prije eventualnog uništavanja izvršeni popis, procjena i dokumentovanje količine obuće koja je uklonjena?
9. Da li postoje fotografije, zapisnici ili druga dokumentacija koja potvrđuje način postupanja sa doniranom obućom nakon završetka manifestacije?
10. Da li su donatori bili upoznati sa načinom na koji će biti zbrinuta donirana obuća nakon završetka manifestacije?

V. NADZOR I KONTROLA

1. Da li je Ured za borbu protiv korupcije i upravljanje kvalitetom Kantona Sarajevo vršio provjeru zakonitosti utroška sredstava vezanih za organizaciju manifestacije „Staza sjećanja“?
2. Da li je Kantonalna uprava za inspeksijske poslove vršila nadzor nad realizacijom projekta i postupanjem sa doniranom obućom nakon završetka manifestacije?
3. Ukoliko jesu, molim da se dostave nalazi, zapisnici i eventualno izrečene mjere.
4. Ukoliko nisu, molim da se dostavi obrazloženje zbog čega nadzor nije izvršen.

ZAKLJUČAK

Manifestacija „Staza sjećanja“ predstavlja događaj od posebnog značaja za očuvanje kulture sjećanja i kolektivnog pamćenja građana Bosne i Hercegovine. Upravo zbog toga postoji obaveza potpune transparentnosti kada je riječ o organizaciji događaja, trošenju javnih sredstava i postupanju sa predmetima koji su donirani od strane građana kao dio memorijalne postavke.

Posebno zabrinjavaju navodi da je dio donirane obuće, koja je predstavljala simbol stradanja i sjećanja, nakon završetka manifestacije uništen. Ukoliko su takvi navodi tačni, neophodno je utvrditi ko je donio takvu odluku, na osnovu kojih kriterija, te da li je postupano u skladu sa propisima i principima odgovornog upravljanja javnim dobrima i doniranom imovinom.

S poštovanjem,

Sebija Izetbegović
Zastupnica u Sk